



Comunu de Quartu Sant'Aleni



Tempus malu. Custa cenàbara, su 13 de cabudanni, is parcus e su Campusantu ant a abarrai serraus

Is parcus e su Campusantu de Quartu Sant'Aleni, custa cenàbara, su 13 de cabudanni, ant a abarrai serraus totu sa diri. Sa serrada est prevèdia de una ordinàntzia sindacali firmada a pustis de sa previsionis de tempus malu fata de sa Protetzioni civili regionali.

S'avisu de criticidadi fatu bessiri de su Centru Funtzionali po oi, circat de marcai cantu est de importu po sa popolatzioni de benni a sciri is novas. Candu amobatzat strasura difatis iat a essi mellus a abarrai in domu e, in prus, chini s'agatat in is bàscius o in domus pari cun terra, iat a depi artziai prus a susu e circai de pigai sa màchina feti chi non si ndi podit fai a mancu, ascutai is novas chi pertocant is mudas de su tempus e is inditus donaus de sa Protetzioni civili. Non si podit passai de una parti a s'àtera in is flùminis chi sunt movendi undadura, ni a pei, ni cun calisiat màchina, abarrai firmus acanta de is pontis e de is àrginis de is arrius o de is flùminis e imperai is passàgius asuta de is bias.

Is previsionis nant chi su bentu forti iat a podi scutullai matas interas o cambus grussus. Po mellus siguràntiza tocat a si pigai su siguru e serrai a su mancu parcus, pratzas arburadas e su Campusantu.

Su Sìndigu at po custu decìdiu de serrai is parcus in citadi e su Campusantu po totu sa diri de oi, cenàbara, 13 de cabudanni. Si contzillat a is citadinus de fai totu in siguresa: chi fait bentu forti o strasura s'arracumandat de donai atenzioni e de non passai acanta de parcus o pratzas arburadas.

Chi sighit su perìgulu s'imperu de s'ordinàntzia at a essi allonghiau finas a candu no acabat s'allerta de sa Dìretzioni Generali de sa Protetzioni civili de sa Regione Autònoma de Sardigna.